

Zafar X. FAKHRIDDINOV,
*Head of the Department of Research on
Contemporary Islam of the Imam Maturidi International
Scientific Research Center:
A.Kadiri str. 11, 100011, Tashkent, Uzbekistan.
E-mail: z.fahridinov@iiau.uz*

«ВУЖУХ ВА НАЗОИР» ИЛМИ ҚУРЬОН ИЛМЛАРИНИНГ МУҲИМ ТАРМОФИ СИФАТИДА

«ВУДЖУХ И НАЗАИР» КАК ВАЖНАЯ ДИСЦИПЛИНА КОРАНИЧЕСКИХ НАУК

«WUJUH AND NAZAIR» AS AN IMPORTANT DISCIPLINE OF THE QURANIC SCIENCES

КИРИШ

Ислом динининг муқаддас манбаси Қуръони карим илк ислом давридан хозирги кунга етиб келган ягона ёзма манба ҳисобланади. Қуръоннинг наср ва назмнинг қоришувидан (сажъ) иборат ўзига хос услуби, таркибий тузилиши, шакл ва мазмун уйғулиги, Қуръондаги сўзлар, атамалар, бирикмалар, жумлалар ва фразеологизмлар араб тили балоғатининг юксак намунаси сифатида эътироф этилган.

Қуръон мумтоз араб тилида нозил бўлиши билан бир каторда, уни янги тушунчалар, аввало, диний мазмун билан бойитди. Қуръоннинг ўзига хос хусусияти ҳам шундаки, кўп ҳолларда гаплар ичидаги полисемик сўзлар ўз кўпмаънолигини йўқотмайди. Қуръон назмининг равшанлиги кўплаб оятларнинг турфа маъноларга ва бир неча эквивалент тафсирларга эга бўлишига халал бермайди (E. Kuliyev, 2010:155).

Қуръон лексикаси (араб. معجم القرآن) араб тили таркибига кирувчи сўзлар мажмуи, араб тилнинг луғат бойлиги, шевалари, давр воқеликларини ўзида акс эттирган ноёб хусусиятга эга. Ўрта асрларнинг “тарожим” (биографик) асарларида Қуръон лугатига оид дастлабки рисолалардан бири Обон Бакрий (ваф. 758) томонидан тузилганини қайд этадилар. Муфассирлар Қуръоннинг ҳар бир сўзи маъно жихатдан ифодалигини, товуш жихатдан гўзал ва шаклан бенуқсон эканини

таъкидлайдилар. Қуръонда учрайдиган баъзи сўзлар “камёб” (ғарид) деб таснифланиши мумкин, лекин улар ҳам оятлар контексти билан ҳамоҳанг бўлиб, умумий маънони кучайтириб беради. Бошқа кўплаб тилларда бўлгани каби араб тилида ҳам бир неча маънога эга бўлган сўзлар ҳамда шаклан фарқ қилувчи, лекин маъноси яқин бўлган сўзлар бор.

Шу билан бирга, айнан илном даврида ёк Қуръондаги айрим ўринлар изоҳталаб бўла бошлаган. Исломда бу ҳолатнинг турли сабаблари баён қилинган. Хусусан, Қуръонда араб қабилалари орасида кенг тарқалган турли лаҳжадаги сўзларнинг аралаш келиши, айрим ўринларда мажоз кўпланилиши муайян оятларни саҳобийларнинг тушунишларида қийинчилик туғдирган. Бу эса, тушунилмай қолган оятларнинг изоҳига эҳтиёжни пайдо қилган. Муҳаммад соллаллоҳу алайҳи васаллам тириклик чоғида бундай оятлар ёки оятларда келган сўзларнинг маъносини бевосита Пайғамбаримизнинг ўзларидан сўраб, билиб олиш имкони бўлган. Кейинчалик ушбу киска изоҳларни ўз ичига олган ҳадислар тўпланиб, Қуръон оятларини изоҳлашга бағишланган мумтоз ислом фанларидан бири – тафсир илмига асос сифатида хизмат қилган.

АСОСИЙ ҚИСМ

Саҳих манбаларда Пайғамбар соллаллоҳу алайҳи васаллам тириклик чоғларида ёк Қуръонда келган айрим сўзларнинг маъноларига изоҳ ва шарҳлашга эҳтиёж сезилгани, бундай ҳолларда саҳобийлар Пайғамбар соллаллоҳу алайҳи васалламнинг ўзларига мурожаат қилиб, батафсил жавобни олганлари ҳакида ривоятлар учрайди. Масалан, “Саҳихи Бухорий”да келган, Қуръонда тун ва тонгнинг “оқ ип” ва “кора ип” сўз бирикмаси билан ифодалангани борасидаги ҳадис маълум ва машхур. Пайғамбар соллаллоҳу алайҳи васаллам шарҳлаб бергунларига қадар саҳобийлар бу сўз бирикмаси кўчма маънога эга эканини тушунмай юрганлар (Imom Buxoriy, 1995:162).

Саҳобийлар даврида ҳам айрим сўзларга изоҳ ва шарҳлаш ишлари давом этган. Хусусан, “Қуръон таржимони” номи билан машхур саҳобий Абдуллоҳ ибн Аббос розияллоҳу анху араб шеърияти билимдони сифатида кўплаб камёб сўзларнинг маъноларини очиб берилишига катта ҳисса қўшган (R. Obidov, 2003:39–42). Бунинг учун араб лаҳжалари ва жоҳилият даври шеъриятини яхши билиш талаб этилган. Бундан диний матнлар луғатшунослиги ислом таълимотида мустаҳкам

Аннотация: Мазкур мақолада мұмтоз Қуръон илмлари таркибидаги мұхим тармоқларидан бири бұлған “вүжсүх ва назоир” илми ҳақида маълумот берилған. Мақолада көлтирилаған маълумоттар ва мисоллар ҳозирги күн құръониуноғлиғи учун мұхим. Сабаби, ҳозирда ушбу соңа Қуръон илмларига оид замонавий адабиётларда деярли учрамайды. Мақолада “вүжсүх ва назоир” илмининг тарихи, ривожи, ушбу соңада ижод қылған олимлар, мазкур соғаның ўзига хос жиҳатлари ва аҳамияти, соңага оид асарлар, бүгунғи күнде олиб борылаётгандар тағдикациялар ҳақида маълумот берилған. Шунингдег “вүжсүх ва назоир” илми борасыдан тағдикациялар, соңага оид асарлардан баъзи мисоллар, “вүжсүх ва назоир” нинг аҳамияти нималарда күрінаши, қандай мисолларни “вүжсүх” дейши мүмкін каби бир қатор масалалар очиб берилған. Бундан ташқары “назоир” ва “вүжсүх” ларнинг таҳлили жиҳатдан ёритилишига алоҳида ўрин ажратылған. Масалан, муфассирлар бир сўзининг Қуръонда одамларга ва ҳайвонларга фойда көлтирилген кўплик шаклида фойдалы, яксон қиливчи ва вайронкор ҳодиса ҳақида сўз юритилганда эса бирлик шаклида ишлатилиши зарарли ҳолатларни баён қилишига эътиборни қаратадилар. Айрим сўзлар кўплик шаклда қўлланылса, неъмат, бирлик шаклида эса – уй ва экинларни вайрон ва пайхон қилиб кетувчи маънога эга бўлиши кўрсатиб берилған. Ҳаким Термизийга мансуб “Таҳсил назоир ал-Қуръон” асарида “вүжсүх ва назоир” илмига оид ёндоушувлар ҳам қисқа ёритиб ўтилған. Мақолада Муқотил ибн Сулаймон, Жалалуддин Суютий, Баదруддин Заркаший, Ҳалил Аҳмад Фарахидий, Яхъя Нававий каби мұмтоз алломалар меросидан кенг фойдаланиши билан бир қаторда, С. Аво, А. Атеш, А. Абдураҳман, Н. Мунажжид, Э. Кулиев каби замонавий тағдикациялар асарларидан ҳам унумли фойдаланилған.

Калит сўзлар: Қуръон, Қуръон илмлари, вүжсүх, назоир, тафсир, шарҳ, талқин, лафз, маъно, исм.

Аннотация: В данной статье представлена информация об одной из важных областей классических коранических наук - «вуджсух и назаир». Информации и примеры, представленные в статье, важны для современных исследований Корана. Дело в том, что сейчас эта область практически не встречается в современной литературе по наукам о Коране. В статье представлена информация об истории области «вуджсух и назаир», ее развитии, ученых, которые работали в этой области, особенностях и значении этой области, работах, связанных с этой областью, исследованиях, проводимых сегодня. Также раскрываются суть исследований в области «вуджсух и назаир», некоторые примеры из работ, связанных с этой областью, в чем проявляется важность «вуджсух и назаир», какие примеры можно назвать «вуджсух». Кроме того, особое место отводится анализу терминов «назаир» и «вуджсух». Например, комментаторы обращают внимание на то, что употребление одного слова в Коране в форме множественного числа придает значения данному слову при упоминании полезного природного явления, которое приносит пользу людям и животным, а в форме единственного числа разрушительного и смертоносного явления, объясняет вредные обстоятельства. Если некоторые слова употребляются во множественном числе, то показано, что благословение, в то время как в форме причастия – дом и урожай имеют разрушительное и удручающее значение. В труде «Таҳсил назаир аль-Қоран», принадлежащей Ҳакиму Термизи, также были кратко освещены стороны, связанные с областью «вуджсух и назаир». В статье наряду с широким использованием наследия классических мыслителей, таких как Мукотиль ибн Сулейман, Джасалуддин Суютий, Баదриддин Заркаши, Ҳалил Аҳмад Фарахиди, Яхъя Навави, также использовались работы современных исследователей, как С. Аво, А. Атеш, А. Абдураҳман, Н. Мунажжид, Э. Кулиев.

Ключевые слова: Коран, Коранические науки, вуджсух, назаир, тафсир, осмысление, толкование, слово, значение, название.

Abstract: This article provides information about one of the primary areas of the classical Quranic sciences - «wujuh and nazair». The information and examples presented in the paper are important for modern studies of the Quran. Because, at the present this area is practically not found in the contemporary literature on the sciences of the Qur'an. The article provides information about the history of the region «wujuh and nazair», its development, scholars who worked in this field, the features and significance of this area, works related to this area, and research being conducted today. It also reveals the essence of research in the field of «wujuh and nazair», some examples from works related to this area, the importance of «wujuh and nazair», and samples that can be called «wujuh». In addition, a special place is given to the analysis of the terms «nazair» and «wujuh». For example, commentators draw attention pointing out the use of a single word in the Qur'an in the plural when mentioning a useful natural phenomenon that benefits people and animals, and the use of singular form when referring to destructive and deadly phenomenon, explaining harmful circumstances. It has been shown that if some words are used in the plural, then they have the meaning of blessing, while in singular, it means destroying and depressing the house and the crop. In «Tahsil Nazair al-Quran» by Hakim Tirmidhi, the sides related to the area of «wujuh and nazair» were also briefly highlighted. The article extensively uses the heritage of classical thinkers such as Muqatil ibn Sulaiman, Jalaluddin Suyuti, Badruddin Zarkashi, Khalil Ahmad Farahidi, Yahya Nawawi. It also refers to the books of modern researchers such as S. Avo, A. Atesh, A. Abdurrahman, N. Munajjid, E. Kuliyev.

Keywords: Qur'an, Qur'anic sciences, wujuh, nazair, tafsir, commentary, interpretation, word, meaning, name.

ўрни ва исломий асосларга эга эканини қўриш мумкин. “Кашф аз-зунун”да келтирилишича, “вужух ва назоир”га оид илк рисола ҳам айнан Ибн Аббоснинг мавлоси Икримага нисбат берилган (S. Avo, 1998:19).

Қуръон тафсирига оид биланлар вақт ўтиши билан кенгайиб бориб, алоҳида соҳаларга бўлинга бошлади. Жумладан, бевосита тафсирига оид асбоб ан-нузул (оятларнинг воқеликка боғлиқ ҳолда тушиши), носих ва мансух (оятларнинг бир-бирининг ҳукмини алмаштириши), мутлақ ва муқайяд (оятлар ҳукмининг чекланган ёки чекланмагани), ом ва хос (оятларнинг умумий ва хусусий маънога эгалиги) каби бир қатор илмий қоидалар ишлаб чиқилди. Буларнинг барчаси бирлашган ҳолда анъанавий “Улум ал-Қуръон” (Қуръон илмлари) фанини ташкил этиб, ушбу фан таркибида “вужух ва назоир” илми деб номланувчи соҳа ҳам бор.

НАТИЖА

Юқорида айтиб ўтилганидек, Қуръон тили бўлмиш араб тилида ҳам бошқа тилларда бўлгани каби шаклан бир хил ёки ўхшаш бўлса-да, бир неча лексик маъноларни ташувчи сўзлар мавжуд. Қуръон матнидаги бундай ҳолатларни “вужух ва назоир” (الوجه و النظائر) илми ўрганади.

Ушбу илм тармоғининг вужудга келиши ҳам барча ислом илмлари каби илк ислом даврига бориб тақалади. Хусусан, баъзи ҳадисларда “назоир ал-Қуръон” бирикмаси қўлланилган. Мазкур ҳадисларда Қуръоннинг ҳажман бир-бирига ўхшаш суралари “назоир” деб аталган. Улардан бирида Абдуллоҳ ибн Масъуд, жумладан шундай дейди:

“Мен Расулуллоҳ соллаллоҳу алайҳи васаллам ҳар ракатда иккитадан, ўн ракатда йигирмата сурा қилиб, қўшиб ўқиган “назоир”ларни аниқ биламан” (Navaviy, 1929:106).

Ушбу ҳадиснинг бошқа ривоятидаги узун матнида Қуръоннинг “муфассал”, деб номланувчи ан-Нажм, ар-Раҳмон каби суралари назарда тутилгани баён қилинган (A. Abdurrahmon). Яъни, бу ўринда шаклан ўхшашлик эмас, балки ҳажман ўхшашлик “назоир” атамаси билан аталган. Демак, айтиш мумкинки, “назоир” атамаси саҳобийлар давридаёқ ўзига хос Қуръон истилохи сифатида қўлланган.

“Вужух” атамаси ҳам айни маънода бошқа бир ҳадисда зикр этилади. Ушбу соҳада илк тўлиқ асар битган, деб хисобланувчи Муқотил ибн

Сулаймон (ваф. 767) санади билан марфуъ, яъни санади Пайғамбаргача қўтарилиган ушбу ҳадисни “ал-Вужух ва-н-назоир фи-л-Қуръон ал-азим” асарига муқаддима ўлароқ ривоят қилиб келтирган:

“Кимса Қуръондаги қўплаб важҳларни англаб етмагунча фикҳда тўлиқ фаҳих бўла олмайди” (M. Ibn Sulaymon, 2006:19).

Ушбу ҳадис, айни санад билан Бадруддин Заркашийнинг (1344–1392) “ал-Бурҳон фи улум ал-Қуръон”, Жалолуддин Суютийнинг (1445–1505) “ал-Итқон фи улум ал-Қуръон” асарларида ҳам келтириб ўтилган. Мазкур ҳадис Имом Аҳмад томонидан бошқа санад билан ривоят қилинган. Ҳадис матнидаги “важҳлар” (вужух) сўзи нимани англатиши ноаниқ қолгани учун, Муқотил ибн Сулаймон уни бир сўзнинг қўплаб маъноларни билдирувчи атама сифатида англаган ва айнан шу мақсадда келтирган, дейиш мумкин. Имом Суютий эса бу ҳадисдан мақсад, ояларда ботиний маънолар бор эканига ишора, дейди (J. Suuyutiy, 2008:301).

“Важҳ” сўзи саҳобийлар давридаёқ Қуръон атамаси сифатида ишлатилгани ҳақида бошқа бир қанча ривоятлар ҳам этиб келган. Масалан, Али ибн Абу Толиб Ибн Аббосни хаворижлар билан баҳслашиш учун юбораётганида қуидагича тавсия беради:

“Улар билан Қуръон ила баҳслашмагинки, Қуръон (қўплаб) “важҳ”ларни (маъноларни) қўтарувчиидир – кўп “важҳ”лари бор, гапирсанг гапираверадилар. Лекин улар билан суннат орқали баҳлашаки, улар ундан баҳона топа олмайдилар” (S. Avo, 1998:19).

Муҳаддислар Абу Нуайм ва Доракутний ривоят қилган ҳадисда Ибн Аббос: “Қуръон (қўплаб) важҳаларга эга. Уни энг гўзал важҳлари узра қўтаринг”, деб тавсия берган.

Юқоридаги жумлалардан “важҳ – вужух” атамалари Қуръондаги турли маъноларда тафсир қилиниши мумкин бўлган ўринларни англатиши маълум бўлади. Бу атаманинг маъноси илк ислом давридаёқ барча учун тушунарли бўлган. Зоро, манбаларнинг бирор ўрнида “важҳ” сўзи нима экани ҳақида изоҳ ёки сўроқни учратмаймиз.

Ибн Мунзирнинг машҳур “Лисону-л-араб” изоҳли лугатида “назоир”: “ناظير” (النظائر) “назира” (النظير) сўзининг кўплик шакли бўлиб, у шакллар, хулклар, ишлар ва сўзларда тенглик ва ўхшашликни англатади, деб таърифланади (Ibn al-Munzir, 1883:212).

“Вужух” эса “важҳ” (الوجه) сўзининг кўплик шакли бўлиб, унинг “юз”, “жихат”, “томон”, “йўналиш” каби лугавий маънолари бор.

Бундан ташқари араблар гапнинг йўналиши, гапдан кўзланган мақсадни “вужух ал-калом” бирикмаси билан ифода этадилар (X. Farohidiy, 2003:350). Ушбу охирги таъриф “вужух”нинг атамавий маъносига энг яқин тушунчани англатади.

Вақт ўтиши билан бу икки атама бирикб Куръон илмларидаги янги бир илм тармоғининг номига айланди. “Вужух ва назоир” илми анъанавий ислом илмларидан бири бўлиб, турли муаллифлар ва асарларда қисқа ва батафсил таърифларга эга. “Вужух” ва “назоир” атамалари Куръон ва тафсир илмининг тармоқларидан бири бўлмиш “ал-вужух ва-н-назоир” бўлимининг таркибий қисмларидир (J. Suyutiy, 2008:301).

Тафсир илмida “вужух ва назоир”, деб бир сўзнинг турли ўринларда бир шаклда ва бир хил “харакат” билан, юзаки маъноси бир бўлиб келгани ҳолда бошқа-бошқа маъноларни англатишига айтилади. Муайян бир сўзнинг турли ўринларда шаклан ва луғавий жиҳатдан тенг ва ўхшаши келиши “назоир”, ушбу сўзларга турли ўринларда турли маъно берилишига эса, “вужух” дейилади. Мана шу ўриндаги шаклан ва луғавий бир хилликка “назоир” дейилади. Буни ўзига хос ички (яширин) омонимия ёки полисемия дейиш мумкин.

МУҲОКАМА

Куръонда мавжуд полисемия ва синонимияни билиш муфассирлар учун мажбурий ҳисобланган, чунки бусиз оятларни ҳар томонлама тушуниш иложисиз бўлган. Баъзи муфассирлар полисемияни Куръоннинг ўзига хос мўъжизавийлиги (эъжоз) контекстида ҳам эътироф этишган. Чунки бир сўзнинг йигирмадан ортиқ маъноларда ишлатилиши оддий нутқ учун ғайриоддий ҳол ҳисобланади (E. Kuliyev, 2010:148–160).

Куръон илмлари борасида фундаментал асар “ал-Бурҳон фи улум ал-Куръон” муаллифи Бадруддин Заркашийнинг таъкидлашича, баъзилар бир сўзнинг йигирма ёки ундан кўп ё камроқ маъноларда келиши Куръоннинг мўъжизаларидан бири, деб эътироф этадилар. Чунки бундай ҳолат башарнинг каломида топилмайди (Маълумот учун қаранг: B. Zarkashiy, 2006).

Имом Жалолуддин Суютий, эса “вужух ва назоир” илмida катта ҳажмдаги алоҳида асар таълиф килиб, уни “Мұттарақ ал-акрон фи эъжоз ал-Куръон” деб номлагани мазкур соҳанинг Куръон мўъжизакорлигини очиб берувчи илм сифатида тан олинганининг белгисидир (Асар учун қаранг: J. Suyutiy, 2007).

XIX асрга оид “Абжаду-л-улум” исломий илмлар энциклопедиясида ушбу соҳага қуйидагича таъриф берилган: “Вужух ва назоир” илми тафсир илмининг тармоқларидан бири бўлиб, бир сўз Куръоннинг турли ўринларида бир хил товуш (“лафз”) ва бир хил “харакат” билан келса-да, ундан ҳар бир ўринда бошқа маъно исталишини англатади. Бир ўринда зикр килинган ҳар қандай сўзнинг бошқа ўриндаги ўхшаши бу “назоир”дир. Ҳар бир сўзни бошқа-бошқа маъноларда тафсир қилиш бу “вужух”дир. Агар “назоир” сўзларнинг исми бўлса, “вужух” маънонинг исмидир” (S. Qinjaviy, 1978:568).

Юқоридаги таъриф Жалолиддин Суютий ва Бадруддин Заркаший каби “Улум ал-Куръон” соҳасида тан олинган мумтоз асарларнинг муаллифларида учрайдиган мухтасар таърифларни жамлаб, якуний хулоса сифатида тақдим этилган. Замонавий тадқиқотларда таърифланишича, “вужух ва назоир” Куръон илмлари таркибида бўлим, тафсир илмининг тармоғи бўлиб, муайян сўзнинг контекстга қараб, турли маъноларни англатиб келишини ўрганади (N. Munajjid, 1999:82–83).

“Назоир” сўзларнинг номланиши, “вужух” эса, маъноларнинг номланиши бўлса, “вужух ва назоир”, мавзусидаги асарларнинг ёзилиш сабаби, ўрта аср ислом олимлари “назоир”, яни ўхшаши сўзларнинг турли ўринлардаги маънолари турлича эканини билдириш эди. Шу сабабдан турли даврлардаги мазкур соҳада илмий ижод қилган олимлар одатда бир Куръондаги бир сўз неча ўринда неча хил маънода келган бўлса, барчасини батафсил келтириб, санаб ўтишни лозим топганлар. Бу сўзлар “ал-балад” (ар. шаҳар давлат), “ал-қаря” (ар. Шаҳар, қишлоқ), “ал-мадина” (ар. шаҳар), “ар-ражул” (ар. киши), “ал-инсон” (ар. инсон, одам) каби умумий мазмунга, умумийликни ёки ноаникликни ифода этувчи сўзлардан ташкил топган. Бир оятда келган “ал-балад” сўзи бошқа оятда келган “ал-балад” сўзидан ўзга маънони англатади. Шунингдек, “ал-қаря” сўзи билан баён қилинган шаҳар, бошқа оятда келган “ал-қаря” сўзи билан айнан бир маънода эмас (Ibn al-Javziy, 1987:83).

Куръон матнининг ўзига хос мўъжизавий жиҳатларидан бири кам сўзлар билан кўп маъноларнинг ифода этилиши бўлиб, унда учрайдиган айрим сўзлар шакл жиҳатдан ҳам, маъно жиҳатдан ҳам бир хил бўлгани ҳолда, контекстдан келиб чиқиб, турли маъноларни англатиши мумкин. Масалан, “шаҳар” маъносини англатувчи “қаря”

сўзи Қуръонда турли ўринларда бир хил шакл ва луғавий жиҳатдан бир – “шахар” маъносида келган. Аммо Бақара сураси 58-оятдаги “шахар” Қудус шаҳрини англатса, Нисо сураси 75-оятдаги “шахар” Маккани, Юсуф сураси 81-оятдаги “шахар” эса Мисрдаги шаҳарни, Ёсин сураси 13-оятда эса тафсирларга кўра Антиохияни англатади. Бошқа ўринларда ҳам “қарят” сўзи шаклан ва мазмунан бир хил бўлгани ҳолда, маъно ташиш нуқтаи назаридан ўзгача тафсирларга эгадир.

Юқорида келтирилган таърифлар кўпроқ араб тили қонун-коидаларига хос баён қилингани учун ўзбек тилида бироз соддалаштириб, қайта таърифлашга эҳтиёж сезилади. Ҳар қандай тилда бўлгани каби араб тилида ҳам бир хил шаклга эга, аммо маъно жиҳатдан турли тушунчаларни ташувчи сўзлар учрайди. Масалан, кўпинча “кўз” деган маънода ишлатилувчи “айн” сўзи “булок”, “ўзлик” (айнан) деган маъноларда ҳам кенг қўлланилади. Аммо араб тилида бу сўзнинг етмишдан ортиқ камёб маънолари борлигини ҳам қайд этилган. Тилшуносликда бу полисемия дейилиши маълум.

Қуръонда учрайдиган полисемиянинг турлари кўп бўлгани жиҳатидан уларни ўрганувчи алоҳида соҳага эҳтиёж сезилиши табиий. Қуръонда полисемия ва омонимия муаммосини Ибн Форис Розий (ваф. 1004) ҳам ўзининг “Китоб ал-афрод” рисоласида кўтарган. У кўпгина муфассир ва тилшуносларнинг фикрларини умумлаштириб, Қуръон матнида айрим сўзларнинг факат бир мартагини қўлланиладиган ва бошқа барча қўлланилган ҳолатларидан фарқ киладиган маъноси борлигини исботлаб берган. Аммо Ибн Форис Розийга қадар муфассирлар “вужух ва назоир” илмига оид кўплаб рисолалар ёзиг бўлган эдилар ва ундан кейин ҳам бу соҳада кўплаб асарлар битилди.

Қуръонда маъно жиҳатдан яқин бўлган сўзларнинг ёнма-ён қўлланиш ҳолатлари жумлашарни семантик жиҳатдан ўта бойитиб юборади. Нутқ санъатида “татвил” (تطویل) деб номланувчи бундай бадиий безаклар муҳим сўз ёки маъно тусини муболаға билан таъкидлаш учун хизмат қиласи. Қуръонда синонимия ва омонимия масалаларини ўрганиш тафсир ривожининг янги истиқболларини очади. Бу борада Қуръоннинг лексикасини контекстуал таҳлил қилиш оятларни шарҳлашда фойдали бўлиши мумкинлигини ишонарли исботлаган Оиша Абдурраҳмон (1913–1998) тадқиқотлари алоҳида кизиқиши уйғотади (Е. Kuliyev, 2010:156).

Қуръонда мавжуд полисемия турларини бир қанча ёркин мисолларда кўриб чиқиш мумкин. Сўзларнинг турли оятлар таркибидағи турфа маъноларда келишини ўрганиш уларнинг семантикаси ва морфологияси муносабатларини ёритиб беради. Масалан, муфассирлар “рийх” (“шамол”) сўзининг Қуръонда одамларга ва ҳайвонларга фойда келтирадиган шамоллар ҳақида гап кетганда шамол сўзи кўплик (“риёҳ”) шаклида, яксон қилувчи ва ўлим келтирадиган шамол ҳақида сўз юритилганда эса бирлик (“рийх”) шаклида ишлатилишига эътиборни қаратадилар. Бу сўз одатда кўплик шаклда қўлланился, ахён-аҳёнда эсиб турувчи турли ўналишга эга шамоллар назарда тутилади. Жазо сифатида юборилган шамол эса бутун кучи билан бир тарафга ўналтирилган – уй ва экинларни пайҳон қилиб кетувчи тӯфон каби маънога эга.

Шу билан бирга, ҳар бир мисолда албатта битта истисно мавжуд. Масалан, айни “шамол” сўзида келтирилга мисолга биргина оят умумий коидадан мустасно бўлади. Юнус сурасининг 22-оятидаги: “Сизларни қуруқликда ва денгизда кездириб қўйган Удир. Токи улар кемада бўлиб, уни ёқимли шамол елдириб кетаётганида...” жумласида, манфаатли шамол бирлик шаклида келган. Демак, айтиш мумкинки, Қуръондаги “рийх” сўзининг камида иккита “важҳи” – яъни тафсир қилинадиган маъноси бор.

Қуръонда келадиган полисемиянинг яна бир мисоли айнан истисно билан боғлиқ. Қуръонда тўрт (4) марта келган “буруж” сўзи учта (3 та) ўринда (Ҳижр: 16; Фурқон: 61; Буруж: 1) осмондаги юлдузларнинг тартибли жойлашувини – юлдуз буржларини англатган. Фақат бир (1) ўриндагина (Нисо: 78) у минора маъносида келган. Ушбу сўзни ҳамма ўринда бир хил таржима қилиб бўлмайди, акс ҳолда тушунмовчилик юзага келиши мумкин (Z. Faxriddinov, 2009). Демак, коидага кўра, “буруж” сўзининг 4 та “назоир” бор, чунки ушбу сўз Қуръонда 4 марта учрайди. Аммо 2 та “важҳи” бор, чунки маъно жиҳатидан фақат икки хил тафсир қилиниши мумкин.

Истиснолар коидаси нафакат сўзларда, балки, “харф”ларда ҳам учрайди. Масалан умид ва истакни англатувчи “шояд” – “лаъалла” (لَعْلَة) кўшимчаси, биргина ўринда (Шуаро: 29) “тўё” маъносида, салбий тусда ишлатилган. Бўлишсизликни англатувчи “лиалла” (لَعْلَة) кўшимчаси фақат бир ўринда (Ҳадид: 29) бўлишсликни ифода қилиб келган. Ўз-ўзидан ушбу қўшимчаларнинг ҳар бирида иккитадан “важҳ” борлиги маълум бўлади.

Айрим замонавий тадқиқотчилар Қуръон сўзларининг бу қадар пурмаънолиги қисман исломдан аввал бир маънода қўлланилган арабча сўзларниг исломдан кейин янги диний мазмун билан тўлдиргани билан боғлиқ дейдилар. Масалан, илгари фақат гувоҳлик маъносига эга “шаходат” шаҳидлик; умумий маънода дуо ва ибодатни англатган “салот” исломий ибодат тури – намозни англата бошлиши; лугавий жиҳатдан покланишни англатган “закот” сўзи диний солиқ турини англатиши; умуман олганда, ўқишини англатган “қироат” сўзи исломнинг муқаддас Китоби – “Қуръон”ни ўқиш маъноларини касб эта бошлишида кузатиш мумкин (E. Kuliyev, 2010:155). Исломдан аввал ҳам араб тилида мавжуд бўлган айрим сўзлар, исломдан кейин камида яна битта диний тусдаги янги маънога эга бўлди. Бу эса, ушбу сўзларниг Қуръонда учрашида қандай “важх” – маъноларга эга эканига эътибор қаратишга ундайди.

Диний атамашунослик Қуръон матнida аниқ ва равшан акс этиб туради. Шу билан бирга, муфассирнинг бундай сўзлар юзага келган оятлар контекстини диккат билан ўрганиши талаб этилади, чунки айрим ҳолларда улар бирламчи лексик маънода ишлатилади. Масалан, оятларниг бирида “закот” сўзи “поклик”, “самимият” (Марям: 13), салот сўзининг кўплиги (салавот) эса, “ибодатхона” маъносида қўлланган (Ҳаж: 40). Қуръон мисрасини англатувчи “оят” сўзи бир ўринда лугавий маънода келади (Шуаро: 128).

Мазкур сўзлар тилда диний атама сифатида қатъий ўрнашган бўлса-да, Қуръонда улар туб маъносида қўлланган ўринлар учрайди. Шунингдек, ҳозирда маъноси торайиб, фақат диний мазмундагина ишлатиладиган бўлиб кетган “Рабб” (Парвардигор), “абд” (банда) сўзлари Қуръонда “хўжайин” (Юсуф: 23) ва “кул” (Нур: 32) маъноларида қўлланилган. Баъзан замонавий таржималарда айни ҳолатлар эътиборга олинмай қолади.

Бошқа тарафдан оятлардаги сўзниг пурмаънолиги умумий контекстдаги маънони мутлақо таъсир қила олмаслиги ҳам Қуръоннинг ўзига хос эъжоз услуби дейиш мумкин. Юсуф сураси 23-оътидаги жумлани тафсирларга таянган ҳолда:

“Аллоҳ сақласин! Дарҳақиқат, у хўжайним, менга яхши паноҳ берди...” – деб ёки айни жумлани:

“Аллоҳ сақласин! Дарҳақиқат, У – Раббим – мен учун энг яхши паноҳ берувчидир...” – деб таржима қилинса ҳам маъно умумий контекстдан бурилиб кетмайди.

Ёки Маориж сураси 43-оътдаги “нусуб” сўзи мушриклар сифинган бут-санамларни ҳам, олдинда турган мақсадни ҳам англатади. Шу жиҳатдан оътдаги жумлани “бут-санамларига талпингандек”, деб таржима қилинса ҳам, “бирор мақсадга интилгандек”, деб таржима қилинса ҳам, контекстда айни маъно қолади. Мана шу Қуръондаги ҳам бир сўз ва жумланиг пурмаънолигини очиб берувчи омиллардан биридир.

“Вужуҳ ва назоир” илмининг услугларига назар солинадиган бўлса, Қуръон оятларидағи муайян бир сўзга турли ўринларда турлича маъно берилаётганида бир неча жиҳат кўзга ташланади:

- сўзниг умумий контекстда (сиёқ) қандай маъно англатиши;
- сўзниг этиологияси;
- сўзниг араб тилида қайси маъноларда қўлланилиши;
- сўзниг матндаги бошқа ўринларда қўлланган ўзакдошлари;
- сўзниг диний семантикаси;
- мантиқий далиллар.

Контекст масаласи соҳага оид барча асарларда бирламчи аҳамиятга эга. “Вужуҳ ва назоир”га оид асарларда одатда ҳар бир сўзга алоҳида боб ажратилган. Ҳар бир боб ўзи учун ажратилган сўзниг “назоир” эканини билдиради. Бобнинг ичиди “назоир”нинг маънолари, яъни “важх”лари бирма-бир санаб ўтилади. Масалан, “худа” (хидоят) ёки “куфр” сўзлари қайси оятда нима маънода келгани айтилиб, мисол тариқасида ўша оят келтирилади. Аммо нима сабабдан маъно ўзгариши юзага келгани изоҳланмайди. Ўқувчи биринчи навбатда контекстга эътибор қаратади ва сўзниг ушбу контекстда бошқача тушунилиши мумкин эмаслигини англаб етади. Яъни, асосий далил (аргумент) – матннинг ўзи. Аксар муаллифлар бошқа далилларга мурожаат қилмайдилар.

Ҳаким Термизий “Таҳсил назоир ал-Қуръон” асарини айни услугга бироз танқидий ёндашган ҳолда ёзган. Унинг фикрича, битта сўзни турли ўринда турлича тафсир қилиб, унинг сабабини очиб бермаслик масалага ойдинлик киритиш ўрнига кўпроқ ҷалкашликни юзага келтиради. Шунинг учун ҳам аллома ҳар бир сўзниг тафсири унинг ўзида мавжуд хусусиятлар билан ўзагига қайтишини исботлашга киришади. Бунинг учун у кўплаб далиллаш услубларидан фойдаланади (M. Terniziy 1969).

Сўзларниг маъносини ифодалашда “изоҳ”, “шарҳ”, “маъно” билан бир қаторда сўзниг

“тафсир”и атамасини кўллаш мумкин. Ҳозир одатда, “тафсир” сўзи Куръоннинг тўлиқ шарҳи ёки бир бутун оятнинг шарҳига нисбатан кўлланилади. Бирок соҳага оид классик манбаларда оятлардаги алоҳида сўзларга берилаётган маънолар ҳам “сўзниг тафсири” дейилган. Аслида, оятларнинг тафсирига оид маълумотларни ўрганмай туриб, уларда келган бир хил сўзга турли ўринларда турфа маъно бериш қийин масала. Шунинг жиҳатдан бу соҳа Қуръон ва тафсир илмларининг бошқа соҳалари билан боғланиш касб этади.

Замонавий тадқиқотлар қаторида Қуръони каримга баёний тафсир ёзган Оиша Абдурахмоннинг издоши ва шогирди мисрлик олима Салво Мухаммад ал-Авонинг “ал-Вужуҳ ван-назоир фил-Қуръон ал-карим” асарини ҳам эътироф этиш керак. Ушбу илмий асар XX аср охирларида якунланган бўлиб, “вужуҳ ва назоир” илмида ёзилган асарлар силсиласида энг сўнгисидир (S. Avo, 1998).

“Вужуҳ ва назоир” илмида турк тадқиқотчилари томонидан бир қатор мақола кўринишидаги тадқиқотлар ҳам амалга оширилган. Турк олимлари орасида ушбу мавзуга алоҳида ўрин ажратган Сулаймон Қояни зикр этиб ўтиш лозим. Унинг Ҳаким Термизийнинг “вужуҳ ва назоир” илмига қўшган ҳиссасини ёритишга қаратилган “Ҳаким Термизийда вужуҳ ва назоир” асари ва бир қанча мақолалари мавжуд. Бундан ташқари Мустафо Корагўзнинг “Вужуҳ ва назоир тушунчасининг таъсири ва муаммолари”, Нажмиддин Ишиқнинг “Қуръони каримда “матар” калимасининг маънолари (Вужуҳ ва назоир доирасида)”, Мурат Қоянинг “Қуръонда вазн, мезон, мавзун калималари – вужуҳ ва назоир доирасида бир тадқик”, Аҳмет Қорадоннинг “А-ҳ-з” феъли билан тусланишларнинг Қуръони каримдаги маънолари ва тафсирларда акс этиши” каби мақолаларини келтириш мумкин (A. Ateş, 2020:3). Булар бугунги кунга қадар амалга оширилган кам сонли тадқиқотларни ташкил этади.

“Вужуҳ ва назоир” илмининг муҳим жиҳатларидан бири айнан шу каби масалаларда Қуръони каримнинг замонавий таржима ва тафсирлари тўғри йўналтирувчи методик асос бўлиб хизмат қила олишидир. Чунки Қуръон араб тилида бўлгач, ўз навбатида уни бошқа тилга таржима қилганда ўтирилаётган тилдаги сўзлар эквиваленти имкон қадар оригиналга яқин бўлиши мақсадга мувофиқ. Шундагина илмий, адекват ва академик таржима матнига эга бўлиш мумкин. “Вужуҳ ва назоир” илмига оид асарлар Қуръондаги муайян сўзниг қайси ўринда қандай маънода келганини кўрсатиб берувчи тайёр дастур бўлиб хизмат қиласи.

Таржима ва тафсирларда эса, оятда келган сўзниг “важҳ”ига мувофиқ маънога эга эквивалент сўз топишга ҳаракат қилинади.

ХУЛОСА

Бугунга келиб, “вужуҳ ва назоир” илми ҳозирги даврдаги Қуръон илмлари ва қуръоншунослик фанлари доирасида ўрганилмай қолганини ҳам таъкидлаш лозим. Хусусан, араб оламида нашр этилаётган Қуръон илмларига оид адабиёт ва тадқиқотларнинг кўпида классик манбаларда учрайдиган “носих ва мансух”, “мутлақ ва муқайяд”, “ом ва хос” каби жуфт категорияларнинг барчаси зикр этилгани холда “вужуҳ ва назоир” бўлими мавжуд эмас (M. Qatton, 1990). Бунинг ўзига яраша тарихий-ижтимоий сабаблари бор, албатта.

Қайд этиб ўтиш керакки, ислом оламида ушбу соҳани ёритишга қаратилган алоҳида ақадемик тадқиқотлар ҳам амалга ошириб борилмоқда. Булар қаторига Мухаммад Нуриддин Мунажжиднинг “Қуръони каримдаги лафзий муштараклик: назариёт ва татбиқ ўртасида” (N. Munajjid, 1999) тадқиқот асарини келтириш мумкин. М. Мунажжид Қуръон ва араб тилидаги полисемияни ўрганишнинг муҳим жиҳатлари ва бугунги кундаги аҳамиятини очиб берган. Унинг фикрича, замонавий назарий асос бўлмас экан, ўрта асрларда битилган асарларни тўғри англаш муаммоси ҳал бўлмайди. Бу максадни амалга ошириш учун у “вужуҳ ва назоир” илмига оид еттига манбани қиёсий ўрганиб чиққан ва улардан бешта муаллифнинг асарларидаги хуносаларни жамлаган.

Аммо бу каби тадқиқотлар соҳа бўйича оз сонли амалга оширилаётган ишлардан баъзилари бўлиб, ўзбек тилидаги Қуръон илмлари ҳамда қуръоншуносликка оид адабиётларда ҳам айни ҳолат кузатилади. Ваҳоланки, ҳозирги кунда диний манбалар матнида келган сўзларнинг маъносини илмий асосда очиб бериш масаласи тобора долзарб аҳамият касб этиб бормоқда. “Вужуҳ ва назоир” илмига эътибор билан қаралса, ҳозирги турли экстремистик оқимлар вакиллари томонидан инкор қилиниб, кескин рад этилаётган “таъвил” – Қуръондаги кўчма маънога эга сўзлар ва ибораларнинг мавжудлиги, мажоз ва ҳақиқат муаммоларини асослаб бера оладиган илм экани ойдинлашади. Чунки айнан ушбу соҳа Қуръондаги бир сўзниг 20 га яқин маънода ишлатилиши мумкин эканини факт даражасида кўрсатиб бера

олади. Бу эса турли оқимлар томонидан тор доирадагина талқин қилинаётган айрим диний атамаларнинг бундан бошқа кўплаб маънолари борлигини исботлаб берувчи хусусиятдир. Хусусан, Заркашийнинг таъкидашича, ҳар қандай лафз камидা иккита ҳакиқат (мохият) ёки ҳакиқат ва мажоз муштараклигидан иборат. Шу сабаб, бир сўз ҳар иккала маънони қўтариши тўғри бўлади (B. Zarkashiy, 2006). Бу эса, таъвилни инкор килувчилар ва оятларнинг фақат зоҳирини қабул қилиш керак деган даъволарга асосли раддиядир.

Айниқса, Мухаммад Ҳаким Термизий меросининг бу борадаги аҳамияти жуда катта. Сабаби, Ҳаким Термизий Куръон оятлари, сўзларидаги кўпмаънолилик хусусияти Қуръондаги муайян сўзнинг ички ўзак хусусияти бўлиб, ушбу сўзларни юзаки маъносидан кўра, теранроқ бошқа маънода тушуниш табиий ҳол экани, бу уни бузуб талқин қилиш бўла олмаслигини батафсил асослаб берган. Бу эса “таъвил” тушунчаси динда янгилик эмаслиги, балки жумладан кўзланган том маънони теранроқ очиб беришга хизмат килувчи зарурий илм эканини исботлайди.

Демак, “вужух ва назоир” илми Куръон илмлари таркибига кирувчи ҳамда тафсир ва таъвил асосларидан бири бўлиб хизмат қилувчи мухим соҳалардан биридир. Ҳозир исломшунослик фанлари доирасида бу соҳани жонлантириш ва ривожлантириш самарали натижалар беради.

Ҳозир Куръони каримнинг ўзбек тилига қилинган таржималари сони 10 га яқинлашиб қолгани холда, ушбу таржималар кўпроқ оддий китобхонга мўлжалланган диний-маърифий оммабоп нашрлар қаторига киради. Мутахассислар фойдаланиши ёки умуман илмий жамоатчилик истифода этиши учун тўлиқ академик ва илмий изоҳли таржимага эҳтиёж бор. Бундай таржимани амалга ошириша замонавий қуръоншунослик ютуқлари билан бир қаторда, мумтоз Куръон илмлари, айниқса, ҳозир яхши самара бериши мумкин бўлган, аммо унутила бошлаган мумтоз илмий соҳалардан кенг фойдаланиш имконияти мавжуд. Демак, “вужух ва назоир” илми ҳам ҳозирга қадар ўз долзарблигини йўқотмаган.

МАНБА ВА АДАБИЁТЛАР РЎЙХАТИ

1. Abdurrahmon A. Al-Fath ar-Rabboni li-tartibi Musnadi al-Imom Ahmad. – Qohira: Dor ihyo at-turos al-arabi. Nashr yili ko’rsatilmagan. J. 3.
2. Avo S.M. Al-Vujuh van-nazoir fil-Qur’on al-karim. – Bayrut: Dor ash-shuruq, 1998.
3. Ateş A. Kur'an çevirisine etkisi bakımından Vücûh ve Nezâir: Sebîl kelimesi örneği. Harran Üniversitesi İlahiyat Fakültesi Dergisi. 2020.
4. Buxoriy, Muhammad ibn Ismoil. Qur'on tafsiri kitobi // al-Jome as-sahih. Tarj. R.Obidov. – Toshkent: Qomuslar bosh tahririyyati, 1995.
5. Suyuti, Jaloludin. Al-Itqon fi ulum al-Qur'on. – Beirut: Muassasa ar-risola, 2008.
6. Suyuti, Jaloluddin. Mu'tarak al-aqron fi e'joz al-Qur'on. – Beirut: Dor al-kutub al-ilmiya, 2007.
7. Farohidiy, Xalil ibn Ahmad. Kitob al-ayn. – Beirut: Doru-l-kutubi-l-ilmiya, 2003.
8. Faxriddinov Z. O termine “Burudj” v Korane. TIU axborotnomasi. 2009.
9. Ibn al-Munzir. Lison al-arab. – Beirut: Doru Sodir, 1300/1883. J. 5.
10. Ibn al-Javziy. Nuzhat al-a'yun an-navozir fi ilm al-vujuh va an-nazoir. – Beirut: Muassasa ar-risola, 1987.
11. Kuliyev E. Leksika Korana // Koranovedeniye: Uchebnoye posobiye / E.R. Kuliyev, M.F. Murtazin. – Moskva: MIU, 2010.
12. Munajjid N.M. al-Ishtirok al-lafziy fil Qur'on al-karim: bayna an-nazariya vat-tatbiq. – Damashq: Dor al-fikr, 1999.
13. Muqtol ibn Sulaymon. Al-Vujuh va an-nazoir fi-l-Qur'on al-azim. – Bag'dod: Markaz Jum'a al-Majid li-s-saqofa va at-turos, 2006.
14. Navaviy. Al-Minhoj – sharhi Sahihi Muslim ibn Hajjoj. – Qohira: 1929. J. 6.
15. Obidov R. Qur'on, tafsir va mufassirlar. – Toshkent: Movarounnahr, 2003.
16. Qatton M. Al-Mabohis fi ulum al-Qur'on. – Qohira: Maktaba vahbiya, 1990.
17. Qinavjiy Siddiq ibn Hasan. Abjadu-l-ulum. Nashrga tayyorlovchi A. Zakkor. – Damashq: Manshurot vizorati-s-saqofa va-l-irshodi-l-qavmiy, 1978.
18. Termiziy Muhammad al-Hakim. Tahsil nazoir al-Qur'on. – Qohira: Matbaa as-saoda, 1969.
19. Zarkashiy Badruddin. Al-Burhon fi ulum al-Qur'on; – Qohira: Dor al-hadis, 2006.

